

TSEV NEEG KEV TU ME NYUAM TOM TSEV**TXOJ KEV PIAV TXOG KEV TSEM TAWM/KEV XYEEJ TSEG THIAB ROV QAB PIB UA DUA****KEV XYEEJ TSEG:**

Raws li txoj kev cai hais, cov neeg uas muaj lais xees thiab cov neeg laus uas nyob hauv los sis ua hauj lwm hauv ib Tsev Neeg Kev Tu Me Nyuam Tom Tsev yuav tsum raug ib txoj kev ntsuam xyuas seb puas tau txhaum kev cai li cas. Lawv yuav tsum cia lawv muab mem dub los nias taub teg thiab xyuas seb puas pom lawv lub npe rau hauv California Cov Ntawv qhia Txog Cov Neeg Uas Tau Ua Phem Rau Me Nyuam. Yog tias lub rooj tsav xwm tsem tawm los sis xyeej ib tug neeg tseg, txawm muaj ib lub ntsiab zoo li cas los xij, tus neeg uas muaj lais xees thov tau ib lub rooj tshawb xyuas lub Rooj Tsav Xwm txoj kev txiav txim no yog tias lawv tseem xav kom tus neeg ntawd ua hauj lwm hauv Tsev Neeg Kev Tu Me Nyuam Tom Tsev. Feem ntau, tus neeg ntawd nyob los sis ua hauj lwm tsis tau hauv Tsev Neeg Kev Tu Me Nyuam Tom Tsev thaum lub Rooj Tsav Xwm tseem tshawb xyuas. Yog tias tus neeg uas muaj lais xees txiav txim siab kom tsis txhob tshawb xyuas, tus neeg ntawd tseem muaj cai thov kom muaj kev tshawb xyuas thiab.

Lub Rooj Tsav Xwm rau Kev Pab (Social) muaj cai tsem tawm los sis xyeej ib tug neeg tseg ntawm Tsev Neeg Kev Tu Me Nyuam Tom Tsev yog tias lub Rooj Tsav Xwm nrhiav pom tias tus neeg ntawd tau ua li no:

- a) Nrhiav pom tias tau ua txhaum loj uas txoj kev cai hais tias tsis tso cai rau.
 - Tej kev txhaum no loj tsaus tus neeg thiaj nyob tsis tau hauv Tsev Neeg Kev Tu Me Nyuam Tom Tsev thaum twg cov me nyuam nyob hauv tsev thiab txwv tsis pub lawv tau kev zam, los sis
- b) Nrhiav pom tias tau ua txhaum loj heev (felony) los sis tej yam kev txhaum me me (misdemeanor).
 - Tus neeg uas muaj lais xees yuav raug txib kom tsis txhob cia tus neeg ntawd nyob hauv tsev thaum twg tab tom tu me nyuam tom tsev. Tus neeg uas muaj lais xees los sis tus neeg ntawd, thov tau ib qho kev zam. Yog tias muab ib qho kev zam ces tus neeg ntawd yuav muaj cai rov qab nkag los hauv tsev, los sis
- c) Nrhiav pom tias tau ua txhaum me me (misdemeanor), thiab
 - Tej zaum tus neeg ntawd yuav ua li cas rau cov me nyuam uas lawv tu vim tus neeg ntawd tau ua txhaum loj tsawv, tau ua tsis ntev tas los no, thiab/los sis txoj kev txhaum zoo li cas. Tus neeg uas muaj lais xees los sis tus neeg ntawd, thov tau ib qho kev zam. Yog tias muab ib qho kev zam ces tus neeg ntawd yuav muaj cai rov qab nkag los hauv tsev, los sis
- d) Twb nrhiav pom tias tau coj kev cai tsis zoo, tom qab chaw ua lais xees twb tshawb nrhiav lawm, thiab
 - Txoj kev coj ntawd ua rau qhov chaw ua lais xees xav tias tus neeg ntawd yuav ua phem li cas nyob tom qhov chaw tu me nyuam. Tus neeg uas tau tso cai rau lawm thov tau ib txoj kev tshawb xyuas, thiab muaj cai muaj ib lub rooj mloog plaub.

Txoj kev txiav txim siab seb yuav tsem tawm los sis xyeej ib tug neeg tseg yeej nyob ntawm seb muaj xwm li cas hauv nws cov ntaub ntawv uas qhia txog kev txhaum kev cai los sis nyob ntawm seb lub Rooj Tsav Xwm rau Kev Pab tshawb nrhiav tau li cas.

KEV ZAM:

Ib tug neeg twg uas nrhiav pom tias tau ua txhaum lawm (tsuas tshuav txoj kev txhaum ntawm kev tsav tsheb me me) tsis tsim nyog muaj lais xees los sis nyob hauv ib lub tsev uas muaj lais xees ua ib Tsev Neeg Kev Tu Me Nyuam Tom Tsev tsuas yog tus neeg ntawd thiaj tau kev zam los ntawm lub Rooj Tsav Xwm.

Txoj kev cai cia ib tug neeg uas nrhiav pom tias muaj txhaum lawm thov tau ib txoj kev zam yog tias txoj kev cai tsis hais tias tus neeg ntawd yuav tsis tau ib txoj kev zam.

Yeej muab tau ib txoj kev zam rau ib tug neeg yog tias tus neeg ntawd muab puav pheej zoo uas pab qhia tias tus neeg ntawd yog neeg zoo thiab yuav tsis ua phem li cas rau cov me nyuam hauv qhov chaw tu me nyuam.

KEV ROV QAB TSO CAI:

Ib tug neeg twg muaj cai thov ib txoj kev tshawb xyuas nws txoj kev xyeej tseg. Tom qab tshasb xyuas cov ntaub ntawv tas, tej zaum yuav txiav txim siab tias nws txais tau kev zam los sis tus neeg uas tau xyeej tseg ntawd yuav tsis ua li cas rau cov me nyuam uas lawv tu. Nyob hauv ob qho no, tus neeg uas tau xyeej tseg lawm yuav muaj cai rov qab tuaj koom Tsev Neeg Kev Tu Me Nyuam Tom Tsev (rov qab tso cai).